

# Oifigeach um Chomhlíonadh Gearán agus Caighdeán

Grád Oifigigh Feidhmiúcháin  
Tírdhreach na Meán

Pacáiste Faisnéise Iarratasóra



A Iarratasóir, a chara,

Go raibh maith agat as spéis a léiriú i ról an Oifigigh um Chomhlíonadh Gearán agus Caighdeán.

Agus tú ag obair i gCoimisiún na Meán, cabhróidh tú le tírdhreach meán rathúil, éagsúil, cruthaitheach, sábháilte agus iontaofa a chruthú, a oibríonn do dhaoine in Éirinn agus ar fud an ar fud an Aontais Eorpaigh.

Cabhróidh tú linn tírdhreach na meán a rialáil, tacú leis agus a fhorbairt. Cabhróidh tú le cearta bunúsacha gach duine a chosaint agus a chinntiú go leanfaimid de bheith ag maireachtáil i sochaí dhaonlathach oscailte.

Tá ár n-eagraíocht ag fás go tapa. D'fhás muid ó 40 duine go 300 inár gcéad trí bliana. Tagann ár ndaoine ó raon leathan cúlraí: earnálacha ar líne agus na meán, an tsochaí shibhialta, an tseirbhís phoiblí, an saol acadúil agus gairm an dlí. Táimid bródúil as na deiseanna a thugaimid d'fhás gairmiúil. Táimid tiomanta d'fhórsa saothair a bheith againn a léiríonn éagsúlacht na sochaí ar a bhfreastalaímid.

Tá lúcháir orainn a bheith ag earcú le haghaidh Oifigeach um Chomhlíonadh Gearán agus Caighdeán. Cuirfidh an ról seo le seachadadh na straitéise a ghlacamar níos luaithe i mbliana. Leanfaidh sé ar aghaidh ag cur lenár spriocanna chun a chinntiú go mbeidh tírdhreach na meán cumarsáide in ann:

- seasamh le cearta, folláine agus forbairt leanaí
- tacú leis an daonlathas agus le luachanna daonlathacha
- bheith mar cheann a bhfuil muinín ag tomhaltóirí as ionas go gcosnófar iad ó dhúshaothrú agus ó chalaíochais
- cultúr na hÉireann agus cé muid féin mar shochoaí a léiriú agus a mhúnlú
- luachanna an cheartais, an chomhionannais, na héagsúlachta agus an chuimsithe a chur chun cinn
- sláinte agus sábháilteacht an phobail a neartú

Má chreideann tú go bhfuil an deis seo ag teacht le do chuid scileanna agus má thugann sé deis fás go gairmiúil, bheimis ar bís cloisteáil uait agus spreagfaimis duit iarratas a dhéanamh.

**Is mise le meas**

**Jeremy Godfrey, Cathaoirleach Feidhmiúcháin**



Clé go Deas: Rónán Ó Domhnaill, Niamh Hodnett, Jeremy Godfrey, Aoife MacEvilly, John Evans

# Ár bhFís agus ár Misean



Is í an fhís atá againn ná tírdhreach meán rathúil, éagsúil, cruthaitheach, sábháilte agus iontaofa a chinntiú.




Déanaimid tírdhreach na meán a rialáil, tacú leis agus a fhorbairt atá mar bhonn agus mar thaca ag cearta bunúsacha agus a chothaíonn sochaí oscailte, dhaonlathach agus iolraíoch.

## Ár Réimsí Torthaí Straitéiseacha



## Ár Luachanna



# Eolas Faoin Ról Seo

## Cuspóir an Róil

Is é cuspóir an róil seo tacú le hoibriú éifeachtach na foirne um Chomhlíonadh agus Gearáin laistigh de rannóg Tírdhreacha na Meán trí rannchuidiú le dearadh, cur i bhfeidhm agus feabhsú leanúnach na bpróiseas agus na nósanna imeachta. Is éard atá i gceist leis an ról seo ná faisnéis a bhailiú, a anailísiú agus a chur i láthair chun eolas a thabhairt don chinnteoireacht, chomh maith le freagraí ardchaighdeáin a ullmhú ar raon fiosrúchán agus comhfhreagrais.

Tá ról lárnach aige i láimhseáil gearán agus i ngníomhaíochtaí comhlíonta, ag cinntiú rannpháirtíocht thráthúil agus chruinn le páirtithe leasmhara ar fud an phobail, an tionscail, na sochaí sibhialta agus an Rialtais.

## Maidir leis an bhFoireann/Rannóg

Tá an fhoireann um Chomhlíonadh & Gearáin suite i rannóg Tírdhreacha na Meán agus láimhseálann sí gearáin faoi ábhar craolta agus físe ar éileamh nach gcomhlíonann caighdeáin maidir le hábhair ar nós dochar, cion, gríosú foréigin/fuath, cothroime, oibiachtúlacht agus neamhchlaontacht. Déanann an fhoireann monatóireacht freisin ar chomhlíonadh cóid agus rialacha seirbhíse meán, conarthaí craolacháin agus oibleagáidí Oibreacha Eorpacha do chraoltóirí agus soláthraithe VOD.

## Príomhfhreagrachtaí

- Tacú le próisis agus nósanna imeachta nua a dhearadh, a fhorbairt agus a chur chun feidhme, agus rannchuidiú lena riarachán agus lena bhfeabhsú leanúnach.
- Sonraí agus faisnéis a bhailiú, a athbhreithniú, a anailísiú, a achoimriú agus a chur i láthair i bhformáid shoiléir struchtúrtha chun tacú le cinnteoireacht éifeachtach.
- Dul i dteagmháil le réimse éagsúil páirtithe leasmhara, lena n-áirítear daoine den phobal, ionadaithe tionscail, eagraíochtaí na sochaí sibhialta, agus oifigigh Rialtais, trí chumarsáid shoiléir ghairmiúil scríofa, bhriathartha agus aghaidh ar aghaidh.
- Maoirseacht agus tacaíocht a sholáthar d'Oifigigh Chléireachais, agus iad ag obair go dlúth leis an mbainisteoir líne chun a chinntiú go seachadtar cuspóirí foime agus go mbainfear amach tosaíochtaí seirbhíse go héifeachtach.
- Freagraí soiléire, cruinne agus tráthúla ar cheisteanna, saincheisteanna agus comhfhreagras a anailísiú agus a ullmhú.

Tá an méid thuas beartaithe mar threoir ar raon ginearálta na ndualgas agus tá sé beartaithe nach mbeidh sé cinntitheach ná sriantach agus tá sé faoi réir athbhreithnithe.



Coimisiún  
na Meán

# Eolas Fút

## Taithí, Scileanna, Eolas & Cáilíochtaí

### Critéir Riachtanacha

- Taithí chléireachais agus/nó riaracháin cruthaithe, le neart ar leith i mbainistíocht comhad, i mbainistíocht taifead, agus i gcothabháil córais doiciméadúcháin chruinne.
- Scileanna láidre cumarsáide scríofa agus briathartha, lena n-áirítear an cumas tuairiscí soiléire, gonta a tháirgeadh agus dul i ngleic go héifeachtach le raon páirtithe leasmhara inmheánacha agus seachtracha.
- Scileanna eagraíochtúla den scoth a bhfuil ardleibhéal airde acu ar mhionsonraí agus an cumas tosaíochtaí iomaíocha a bhainistiú go héifeachtach.
- Cumas léirithe oibriú go neamhspleách agus ag an am céanna cur go dearfach laistigh de thimpeallacht foirne.
- Scileanna láidre bainistíochta ama agus an cumas spriocdhátaí a chomhlíonadh i dtimpeallacht struchtúrtha agus luas tapa.

### Critéir Inmhianaithe

- Taithí cruthaithe ag cur le tionscadail nó ag tacú leo, lena n-áirítear tascanna a chomhordú, dul chun cinn a rianú, agus tacú le torthaí seachadta.
- Taithí ar phróisis agus nósanna imeachta riaracháin a fhorbairt, a chur chun feidhme nó a fheabhsú chun éifeachtúlacht agus comhsheasmhacht a neartú.
- Eolas ar chórais bhainistíochta doiciméad nó ar chórais taifid leictreonacha.
- Taithí a bheith ag obair i dtimpeallacht struchtúrtha nó rialaithe ina bhfuil cruinneas agus comhlíonadh tábhachtach.



# Príomhfhaisnéis

## Sochair, Pacáiste & Pá

- Cuirtear an post seo ar fáil ar bhonn Buan.
- Lánaimseartha, 35 uair in aghaidh na seachtaine
- Saoire Bhliantúil: 23 lá in aghaidh na bliana
- Ról hibrideach a bheidh sa ról ina mbeidh meascán d'obair sa bhaile agus san oifig. Is é ár mbeartas hibrideach reatha 2 lá san oifig.
- Tá ár n-oifig lonnaithe ag a hAon Foirgnimh Shíol Bhroin, Bóthar Shíol Bhroin, Baile Átha Cliath 4, D04 NP20.
- Féach ár suíomh gréasáin [anseo](#) le haghaidh liosta iomlán sochar
- Tá an post seo grádaithe ag an scála Oifigigh [Feidhmiúcháin](#).
- Ceapfar iarrthóirí a n-éireoidh leo ar an gcéad pointe den scála

## Próiseas Iarratais

Má tá suim agat iarratas a dhéanamh ar an bpost seo, cuir na nithe seo a leanas isteach:

- CV (uas 2 leathanach) agus litir chlúdaigh/ráiteas pearsanta (uas 1 leathanach) ina leagtar amach cén fáth a gcreideann tú go gcomhlíonann do scileanna, taithí agus luachanna riachtanais an phoist **trí ANSEO**
- Tá ceapachán ar an ról seo faoi réir incháilitheacht an iarrthóra chun oibriú in Éirinn. Éilítear le gach post go mbeadh cónaí ar iarrthóirí i bPoblacht na hÉireann nó i dTuaisceart Éireann.
- Déanfar iarrthóirí a théann i mbun canbhasála a dhícháiliú agus a eisiamh ón bpróiseas

Ní bhreithneofar iarratais dhéanacha nó iarratais nach bhfuarthas tríd an gcainéal ceart, mar a chuirtear in iúl thuas.

Le haghaidh ceisteanna a bhaineann leis an bpróiseas iarratais nó roghnúcháin a bhaineann leis an ról seo, déan teagmháil le [cnam@cpl.ie](mailto:cnam@cpl.ie)



Muinín



Iarmhairt



Misneach



Neamhspleáchas



Dírthe ar dhaoine



Ionracas

# Fógra Príobháideachais

Próiseálann Coimisiún na Meán (An Coimisiún, CnaM, sinne, ár) na sonraí pearsanta a eascraíonn as a fheachtas earcaíochta. Is é CnaM an Rialaitheoir Sonraí, agus is é CPL an Próiseálaí Sonraí a cheapann CnaM chun an próiseas earcaíochta a stiúradh. Is iad sonraí teagmhála an Rialaitheora Sonraí - Oifigeach Cosanta Sonraí, Coimisiún na Meán 1 Foirgnimh Shelbourne, Bóthar Shelbourne, Baile Átha Cliath 4, D04 NP20, Éire.

**Ríomhphost:** [dpo@cnam.ie](mailto:dpo@cnam.ie) **Uimhir Teileafóin:** 01 963 7755

Déanfaidh CnaM na sonraí pearsanta a bhailítear le linn an phróisis earcaíochta a phróiseáil chun críche athbhreithniú, breithniú agus roghnú na n-iarratas agus chun teagmháil a dhéanamh le hiarratasóirí. Féadfaidh ionadaithe CnaM a bheith ar fhaighteoirí tríú páirtí. Ní aistríonn CnaM sonraí pearsanta lasmuigh den AE ná den LEE.

D'fhéadfadh go n-áireofaí ar bhonn dlíthiúil CNAM chun na sonraí seo a bhailiú agus a phróiseáil:

- Conradh - i gcás inar gá an phróiseáil chun conradh a chomhlíonadh, nó chun bearta a dhéanamh ar iarratas ón ábhar sonraí sula ndéantar conradh

agus/nó

- Toiliú - sa chás go bhfuil toiliú sainráite tugtha agat don phróiseáil (m.sh. socruithe réasúnta)

Stórálfar na sonraí pearsanta a phróiseáiltear go slán. Stórálfar na sonraí seo ar feadh 12 mhí ar a mhéad i gcás nach n-éireoidh le hiarratas.

Tá sé de cheart ag iarratasóirí rochtain a fháil ar a gcuid sonraí agus aon mhíchruinneas ina gcuid sonraí a cheartú. Chun é seo a dhéanamh, scríobh chuig an Oifigeach Cosanta Sonraí ag an seoladh atá liostaithe thuas. Tá sé de cheart ag iarratasóirí, i gcás inarb iomchuí, a gcuid sonraí a scriosadh agus/nó srian a chur ar phróiseáil a gcuid sonraí. Ina theannta sin, tá sé de cheart ag ábhair sonraí gearán a dhéanamh leis an gCoimisiún um Chosaint Sonraí. Tá ár Ráiteas Cosanta Sonraí iomlán ar fáil anseo: <https://www.cnam.ie/governance/data-protection-privacy/privacy-statement/>

# Inniúlachtaí

Féach liosta na n-inniúlachtaí thíos a mheasúnófar ag céim an agallaimh don chomórtas seo. Chun tuilleadh eolais a fháil faoi na hinniúlachtaí, téigh chuig ár [gceisteanna coitianta](#).

Bainistíocht Daoine

Anailís agus Cinnteoireacht

Torthaí a Sheachadadh

Scileanna Idirphearsanta agus Cumarsáide

Saineolas, Oilteacht agus Féinfhorbairt

Treallús & Tiomantas do Luachanna Seirbhíse Poiblí

## An Próiseas Roghnúcháin

Áireofar sa phróiseas roghnúcháin:

Iarrthóirí a ghearrliostú bunaithe ar an bhfaisnéis a cuireadh ar fáil ina n-iarratas, arna measúnú in aghaidh na gcrítéar sonraithe don ról. Tabharfar cuireadh d'iarrthóirí atá ar an ngearrliosta freastal ar agallamh ar bhonn inniúlachtaí a dhéanfar go pearsanta ag ár n-oifig i mBaile Átha Cliath.

## Socruithe Réasúnta

Cuirfear socruithe réasúnta ar fáil, más gá, le linn an phróisis earcaíochta. Chun socruithe réasúnta faoi rún a phlé agus a iarraidh téigh i dteagmháil le [amckiemann@cnam.ie](mailto:amckiemann@cnam.ie)

Is fostóir comhdheiseanna é Coimisiún na Meán. Cuirimid fáilte roimh iarratais ó iarrthóirí a bhfuil cúlraí éagsúla acu agus táimid tiomanta d'fhórsa saothair cuimsitheach éagsúil a chur chun cinn a léiríonn Éire na linne seo. Oibrímid chun cultúr a chruthú ina bhfuil rochtain chomhionann ag gach duine ar dheiseanna agus ina mbraitheann siad compordach iad féin a chur i láthair go dílis ag an obair.

**Dáta Deiridh: 08 Meitheamh 2026**

